

Redovni izvještaj dnevnih događaja i pojava

Izvještaj se odnosi na događaje u vremenskom periodu od 02.04.2026. godine od 08:00 sati do 03.04.2026. godine do 08:00 sati. Prema podacima kojima raspolaže Kantonalni perativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bihać- Vatrogasna jedinica grada Bihaća imala je tri intervencije na gašenju požara:

- od 11:45 do 13:30 sati u ul. Jablanska, gdje je gorjela trafostanica,
- od 22:13 do 22:35 sati u ul. 502 viteške brigade, gdje su gorjeli elektro kablovi,
- od 22:50 do 23:10 sati u naselju Mušanovića Mahala, gdje je gorio dimnjak.

Tehničke intervencije:

Grad Bihać- Vatrogasna jedinica grada Bihaća imala je tehničku intervenciju od 08:30 do 08:50 sati u ulici Alije Izetbegovića, uklanjanje grane koja je visila sa stabla i ugrožavala sigurnost prolaznika.

Vatrogasne službe u ostalim gradovima/općinama nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Svi putevi na području kantona su prohodni.

Na graničnim prelazima Izačić i Velika Kladuša pojačan je intezitet saobraćaja

Zbog predstojećih praznika očekuje se daljnje povećanje gužvi tokom dana.

BEZBJEDNOST U SAOBRAĆAJU (LP-7) (saobraćajne nezgode)

U protekla 24 sata na području Kantona desile su se četiri saobraćajne nezgode. Dva lica zadobila su teže i jedno lice lakše tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

Svi kvarovi koji su prouzrokovani snijegom iz proteklih dana su otklonjeni, osim u općini Ključ gdje je i dalje bez napona trafostanica Lokveni Vrh i općini Bosanski Petrovac jedna trafostanica na DV 20kV Klenovac.

OBLAST TELEKOMUNIKACIJA (LP-18)

Telefonske veze funkcionišu u svim pravcima.

OBLAST VODOSNABDIJEVANJA (LP-18)

Zbog povećane izdašnosti i zamućenja vode na svim izvorištima, koja su u funkciji vodosnabdijevanja Grada Bihaća, JP "Vodovod" d.o.o. Bihać preporučuje korisnicima da iz preventivnih razloga prokuhavaju vodu prije upotrebe za piće, sve do obavijesti o normalizaciji stanja. Vodosnabdijevanje u ostalim općinama i gradovima je zadovoljavajuće.

NEEKSPLODIRANA UBOJNA SREDSTVA –NUS (LP-19)

Nije bilo prijava pronalaska NUS-a.

METEOROLOŠKO-HIDROLOŠKA SITUACIJA

U gradu Bihaću u 08:00 sati temperatura je iznosila 6 °C.

Vodostaj rijeke Une iznosi 54 cm, (početak obavještavanja je 100 cm).

Padavine: 1,3 l/m².

U općini Sanski Most u 08:00 sati temperatura je iznosila 7 °C.

Vodostaj rijeke Sane iznosi 204 cm (početak obavještavanja je 310 cm).

Padavine: 3 l/m²